

## Evening Dogri (NSD) Bulletin 14-09-2024

### आकाशवाणी

खास खास खबरां

- 1 प्रधानमंत्री नरेन्द्र मोदी होरें जम्मू कश्मीर गी आतंक मुक्त बनाने दी सगंध लैती ते आखेआ जे विधानसभा चुनां लोकें दे भागें दा फैसला करोग।
- 2 प्रधानमंत्री नरेन्द्र मोदी होरें कुरुक्षेत्र थमां हरियाणा च असैंबली चुनाएं लेई बीजेपी दे चुनां अभियान दी शुरूआत कीती।
- 3 केन्द्री गृहमंत्री अमित शाह होरें आखेआ जे देसा गी इकमुट्ठ रखने च हिंदी दी बेमिसाल भूमका ऐ।
- 4 सरकार नै सस्ती कीमतें पर गंडें दी उपलब्धता जकीनी बनाने लेई थोक बिक्री रणनीति अपनाई।
- 5 भारतीय मौसम विभाग नै पच्छिम बंगाल दे सारे दक्खनी जिलें च भारी बरखा दी पेशगोई कीती ऐ।
- 6 हॉकी च चीन च मर्दे दी एशियाई चैंपियन ट्रॉफी प्रतियोगिता च भारत नै पाकिस्तान गी 2-1 कन्नै हराया।



### PM Doda Rally

प्रधानमंत्री नरेन्द्र मोदी होरें प्रण पाया जे ओह जम्मू कश्मीर थमां आतंकवाद दा सफाया करी देंगन। उनें आखेआ जे जम्मू कश्मीर च आतंकवाद हुन खीरी साह लै'रदा ऐ। आकाशवाणी जम्मू दे संवाददाता दी रिपोर्ट मूजब अज्ज डोडा च इक बड्डी चुनां रैली गी संबोधत करदे होई श्री मोदी होरें आखेआ जे जम्मू कश्मीर

च आतंकवादी हून जान बचांदे फिरा'रदे न। उनें नैशनल कांफ्रेंस, कांग्रेस ते पीपल्स डेमोक्रेटिक पार्टी पर दोष लाया जे उनें अपने निजी स्वार्थे गी पूरा करने लेई जम्मू कश्मीर गी तबाह कीता। उनें आखेआ जे उंदी सरकार नै परिवारवाद आली सियासत दे विरोधे च इक नमें लीडर गी सामने आंदा ऐ।

<><><><><><><>

## PM Youth

प्रधानमंत्री नरेन्द्र मोदी होरें जम्मू कश्मीर च होए दे सार्थक बदलाव दा सेहरा जम्मू कश्मीर दे नागरिकें दे सिर लांदे होई आखेआ जे केन्द्री सरकार नै जम्मू कश्मीर गी इक खुशहाल ते समृद्ध प्रांत बनाने दा धेइया कीते दा ऐ। आकाशवाणी जम्मू दे संवाददाता नै दस्सेआ जे प्रधानमंत्री मोदी होरें डोडा, किश्तवाड़ ते रामबन जिले लेई 8एं असैंबली सीटें लेई चुनां प्रचार करदे होई जम्मू कश्मीर दे बदलोंदे मंजरा लेई स्थानीय लोकें दी सराहना कीती। प्रधानमंत्री मोदी होरें आखेआ जे जम्मू कश्मीर दे असैंबली चुनां औंदे बसनीकें दी किस्मत दा फैसला करगंन।

<><><><><><><>

## PM Hariyana Rally

प्रधानमंत्री ते बीजेपी दे वरिष्ठ नेता नरेन्द्र मोदी होरें अज्ज कुरुक्षेत्र थमां हरियाणा विधानसभा चुनाएं लेई बीजेपी दे चुनां अभियान दी शुरुआत कीती। अज्ज संजा कुरुक्षेत्र दे थीम पार्क च चुनां रैली गी संबोधत करदे होई श्री मोदी होरें आखेआ जे भारत गी विकसित राष्ट्र बनाने लेई हरियाणा दी तरक्की बड़ी जरूरी ऐ। श्री मोदी होरें आखेआ जे सरकार गरीबेंख महिलाएं, करसानें ते युवाएं गी सशक्त बना'रदी ऐ। उनें एह बी दस्सेआ जे उंदी सरकार दे द्दीए कार्यकाल दे 100 दिनें अंदर इसलै 15 लक्ख करोड़ रपे दे नमें प्रोजेक्टें गी मंजूरी देई दित्ती ऐ।



## Sunita Williams Vote

अमरीका दे दऊं अंतरिक्ष यात्रिएं सुनीता विलियम्स ते बुच विलमोर होरें अमरीका च नवम्बर च होने आले राष्ट्रपति चुनाएं च वोट पाने दी अपनी दिलचस्पी दिक्खी ऐ। एह् दवै यात्री अंतरिक्ष यान च तकनीकी खराबी करी अंतर्राष्ट्रीय अंतरिक्ष केन्द्र च फसे दे न। धरतै थमां ढाई सौ मील उप्पर अंतरिक्ष केन्द्र थमां कल रातीं लाइव संवाददाता सम्मेलन च भारतीय मूल दी अंतरिक्ष यात्री सुनीता विलियम्स ते विलमोर होरें आखेआ जे उनें अमरीकी चुनां च वोट करने दी विनती कीती ऐ। उनें आखेआ जे लोकतांत्रिक प्रक्रिया च नागरिकें दी हिस्सेदारी गी लेइयै एह् उंदी महत्वपूर्ण भूमका ऐ।



## RNU Special Programme

आकाशवाणी जम्मू दा क्षेत्रीय समाचार एकांश 18 सितंबर, 2024 कोला त्रऊं गेडें च होने जा'रदे विधानसभा चुनाव 2024 दे सिलसिले च जम्मू संभाग दे सब्बने 10 जिले दे बारे च विशेष जिला प्रोफाइल कार्यक्रमें दी इक्क श्रृंखला शुरू करा'रदा ऐ । इस सिलसिले च 12 सितंबर थमा 15 मिनट दे 10 विशेष कार्यक्रम 12,14,16, 20, 22, 24, 26, 27, 28 ते 30 सितंबर गी बडले 8:45 बजे प्रसारित कीते जांगन जिंदे च जम्मू संभाग दे हर जिले दा ऐतिहासिक, पर्यटन ते राजनीतिक अवलोकन पेश कीता जाग स केंद्र शासित प्रदेश च आगामी विधानसभा चुनाव दे मद्देनजर, शुरू कीती गेदी इस श्रृंखला दा उद्देश्य आकाशवाणी जम्मू दे श्रोताएं लेई जम्मू संभाग दे सब्बने 10 जिले दे हर इक्क विधानसभा क्षेत्र दे बारे च महत्वपूर्ण जानकारी प्रसारित करना ते उने गी जागरूक रखना ऐ । बने र'वो सहाडे कन्ने ते सुनदे र'वो आकाशवाणी समाचार



## Hindi Diwas

केन्द्री गृहमंत्री अमित शाह होरें आखेआ ऐ जे हिंदी भाषा नै देसा गी इकजुट्ट करने च बेमिसाल भूमका नभाई ऐ। उनें आखेआ ऐ जे हिंदी ते होरने भाषाएं च कोई मकाबला नेई ऐ। की जे एह इक दुए दे पूरक न। अज्ज नमीं दिल्ली च राजभाषा हीरक जयंति समारोह दे चौथे अखिल भारतीय सम्मेलन दे उदघाटन सत्र गी संबोधत करदे होई अमित शाह होरें आखेआ जे सब्बने भाषाएं गी मजबूत करने कन्नै गै इक मजबूत राष्ट्र बनाया जाग। उनें आखेआ जे राष्ट्रीय शिक्षा नीति च शिक्षा उप्पर खास जोर दित्ता गेदा ऐ तां जे बच्चें गी अपनी मातृभाषा च शिक्षा हासल होई सकै। शाह होरें आखेआ जे सरकार नै हिंदी ते होरने क्षेत्रीय भाषाएं दे रिश्ते गी मजबूत करने दा फैसला कीता ऐ। मंत्री होरें आखेआ जे हिंदी च हर लेख, भाषण जां साहित्यक टुकड़ेदा अनुवाद सब्बने भारतीय भाषाएं च कीता जाग। हिंदी दिवस पर गृह मंत्रालय दे हेठ राजभाषा विभाग नै इस सम्मेलन दा आयोजन कीता जेहदे च हिंदी राजभाषा बनने दे 75 ब'रे पूरे होने दे चेते च एह आयोजन कीता गेआ। इस मौके पर राजभाषा भारतीस पत्रिका दे हीरक जयंति विशेष अंक दा शुभरंभ कीता ते राजभाषा गौरव ते राजभाषा कीर्ति पुरस्कार बी दित्ते। उनें इक स्मारक डाक टिकट ते सिक्का बी जारी कीता।



## Hindi Diwas

प्रधानमंत्री नरेन्द्र मोदी, गृहमंत्री अमित शाह ते रक्षा मंत्री राजनाथ सिंह होरें हिंदी दिवस दे मौके पर सब्बनें देशवासिएं गी शुभकामनां दित्तियां न। सोशल मीडिया दी इक पोस्ट च श्री मोदी होरें हिंदी भाषा दे महत्व गी दर्शाने आली अपनी इक पोस्ट सांझी कीती। तोआई इक वीडियो संदेस च गृहमंत्री इस ब'रे दे हिंदी दिवस दे महत्व पर लोह पाई ते आखेआ जे 14 सितम्बर सन् 1949 गी भारत दी संविधान सभा नै हिंदी गी सरकारी भाषा दे तौर पर अपनाया हा। शाह होरें

आखेआ जे हिंदी दिवस अपने 75 बरे पूरे करै करदा ऐ ते इस बड्डी उपलब्धि गी सरकारी भाषा दे तौर पर हिंदी दे हीरक जयंति दे रूपै च मनाया जा करदा ऐ।

<><><><><><>

PM Modi

प्रधानमंत्री नरेन्द्र मोदी होरें गुजरात दे देहगाम च गणेश विर्सजन दरान लोकें दे दुब्बने करी मौत पर डूंहगा बसोस बुज्जेआ ऐ। प्रधानमंत्री होरें इक सोशल मीडिया पोस्ट च आखेआ जे पीड़ितें दे सगे-सरबंघिएं गी प्रधानमंत्री 2-2 लक्ख रुपे दित्ते जांगन ते जख्मिएं गी 50-50 ज्हार रुपे दी राहत दित्ती जाग। इत्थें एह दस्सना जरूरी ऐ जे गुजरात दे वसना सोगथी ग्रां च कल 8 लोकें दी मौत होई गेई ही, जिल्लै ओह गणेश भगवान हुंदी मूर्ति दे विर्सजन दरान मिशवे नदी च श्नान करा'रदे हे।

<><><><><><>

Onion

उद्योग ते बपार मंत्रालय नै आखेआ ऐ जे सरकार गाहकें गी किफायती मुल्ल पर गंडें दी दस्तेयाबी जकीनी बनाने लेई थोक बिक्री दी रणनीति अपना करदी ऐ। मंत्रालय नै आखेआ ऐ जे सरकार बधदे मंग-आपूर्ति हालात ते कीमतें दे रुझानें दी बिनाह उप्पर गंडें दी लक्षित ते स्थिर आपूर्ति जकीनी बनाने लेई राज्य सरकारें कन्नै रलियै कम्म करै करदी ऐ। सरकार दा लक्ष्य इस गल्लै गी जकीनी बनाना ऐ जे मुख्य भरै च हर घरै तोड़ी सस्ते गंडें पुज्जी सकन। मंत्रालय नै आखेआ ऐ जे सरकार गंडें दिएं कीमतें पर निगरानी रखने लेई वचने बज्झी दी ऐ। मंत्रालय मूजब रियायती दरें पर गंडें दी खुदरा बिक्री पर केन्द्र सरकार दी पैहलकदमी एहदी कीमत च गिरावट गी दर्शादी ऐ।



## IMD

पच्छम बंगाल च भारती मौसम विभाग नै कल कोलकाता सनें राज्य दे सब्बने दक्खनी जिलें च भारी बरखा बरनें दी संभावना जताई ऐ। गंगेटिक पच्छमी बंगाल उप्पर गैहरा दबाह् कन्नै अगले 48एं घैंटे च पच्छम बक्खी झारखंड ते उत्ती छत्तीसगढ़ आली बक्खी बदोग। इस दरान मता दबाह् बनने दी मेद ऐ। गंगेटिक पच्छम बंगाल उप्पर दबाह् दे चलदे अज्ज दक्खन बंगाल दे सब्बने जिलें थमां भारी बरखा मती भारी बरखा दी खबर ऐ। कोलकाता ते ओह्दे उपनगरें च कल रातीं थमां लगातार बरखा होआ'रदी ऐ।



## Bricks Media Summit

मास्को नै रूसी प्रसारक आरटी दे खलाफ लाए गेदे अमरीकी बंदशें दी निंदेआ कीती ऐ। मास्को च अज्ज ब्रिक्स मीडिया शिखर सम्मेलन गी संबोधत करदे होई रूसी विदेश मंत्रालय दी प्रवक्ता मारिया जखारोवा होरें आखेआ जे रूसी मीडिया चैनल आरटी ते दुए रूसी मीडिया चैनलें खलाफ अमरीका दे नमें प्रतिबंध इक आक्रामक गैंह ऐ। एह्दे नै बाकी दुनिया गी बी चैंता होनी चाहिदी। कल अमरीकी विदेश मंत्री एंटली ब्लिंकन होरें रूसी मीडिया चैनल आरटी गी रूस गी खुफिया तंत्र दे वास्तविक माध्यम होने दा दोष लांदे होई नमीं बंदशें दी घोषणा कीती ही।



## IB Ministry

सूचना ते प्रसारण मंत्रालय नै अंतराष्ट्रीय फिल्म महोत्सव 2024 दे हिस्से दे रूपै च युवा फिल्म निर्माताएं लेई बैस्ट डबेयू भारतीय फिल्म सैक्शन 2024 दी शुरूआत कीती ऐ। 55मां इफी महोत्सव 20 नवम्बर तगर गोवा च आयोजित होन जा'रदा ऐ। एहूदे तैह्त इफी भारतीय डेब्यू फिल्में पर बी ध्यान केन्द्रित करोग।



## Govt. Basmati

सरकार नै बासमती चौलें दे निर्यात आस्तै पंजीकरण प्रमाणपत्र लेई 950 डॉलर प्रति टन दा घट्टोघट्ट निर्यात मूल्ल हटाई दित्ता ऐ। इक सोशल मीडिया पोस्ट छ उद्योग ते वाणिज्य मंत्री पीयूष गोयल होरें इस फैसले दा सुआगत कीता।



## Hockey

हुलुनबयूर-चीन च अज्ज हीरो एशियन हॉकी चैंपियन ट्रॉफी तैह्त खेड्डे गेदे मैच च भारत नै पाकिस्तान गी 2-1 कन्नै हराया। खेड्ड दे 9में मिंटे च पाकिस्तान दे अहमद नदीम नै इक गोल करियै बढत बनाई लैती पर कप्तान हरमनप्रीत सिंह नै दऊं पैंनेल्टी कॉर्नरें गी दऊं गोलें च बदलियै भारत गी जित्त दोआई जेह्डीवीन ते जापान बश्कार खेड्डेआ जाने आला खीरी लीग मैच इस गल्लै दा फैसला करोग जे मलेशिया ते चीन चां केह्डी टीम सैमीफाइनल च भारत पाकिस्तान ते कोरिया कन्नै खेडोग।



## Chess Olympiad

हंगरी दे बुडापेस्ट च 45में फिडे शतरंज ओलंपियाड च कल भारत दी महिला टीम नै स्वित्जरलैंड पर 3-1 कन्नै जित्त हासल कीती। भारत दी आर.वैशाली, दिव्या देशमुख ते वंतिका अग्रवाल होरें अपने मकाबले जित्ती लैते न। हालांके डी. हरिका गी महिलाएं दी साबका व्लर्ड चैंपियन एलेक्जेंडरा कोस्टेनीयुका थमां शिकस्त झल्लनी पेई। भारत टीम दी इस जित्त कन्नै ओलंपियाड च उनेंगी 6एं अंकें दी सांझी बढत थहोई जाग।

